

同治戊辰年鑄

產科四十三症

板藏京都琉璃廠東門內  
路北篆雲齋范家刻字鋪



產科四十三症序

產科四十三症一書相傳為傳

青主先生所著然無確據且抄

襲相沿率多錯誤今年春遇

同邑王君協萬於京師出此本相

示云得之石艾楊君圖尚者簡明



確當殊勝他本會余方合刻  
信驗方回生集二書而又得是  
冊喜甚遂附刻于後昔陸宣公  
好集醫方以為是活人之術余  
之刻斯集也亦竊比宣公集方  
之意以期有益於活人而已書云

作於何人可弗論也

嘉慶十有六年歲在重光

協洽

如月上澣靈石揚溪序



南京中醫藥大學圖書館版權所有

產科重刊序

四十三症一卷治產科百無一失予携之新疆四十  
年遇症依方施治雖極危險者無不應手全愈誠前  
賢之良方也因欲廣爲流傳而原板無存用特重付  
剞劂以備同志者濟世活人之一助於醫道不無小  
補云爾長白顏札氏子謙布彥泰序



同治七年歲次戊辰知畏齋重刊



南京中医药大学图书馆版权所有

一血塊宜生化湯

當歸 八錢

川芎 三錢

桃仁 十四粒去皮尖研

黑姜 五分

炙草 五分

分

黃酒童便各半中水煎溫服

如三四日內覺疼減可揉乃虛疼也宜加參生化湯如七

日內或因寒涼食物結塊者加肉桂三分如血塊未消不

可加參芪用之則疼不止總之不可用寒涼峻利藥宜頻

服生化湯行血助氣外用熱衣以煖腹

凡兒生下或停血不下半月外尙疼加腫毒高寸許或身



熱飲食減少倦甚用生化湯加三稜莪朮肉桂等攻補兼  
施其塊自消如虛甚食少泄瀉只服此帖定疼且健脾胃  
進食止瀉然後生化湯中再加消導

加味生化湯本方內加三稜元胡肉桂各八分

## 二血暈

一因勞倦而氣竭神昏二因失血而精氣欲絕三因痰火  
乘虛泛上而神不守舍當急服生化湯三四服外用韭菜  
切細入有口瓶中用滾醋二中沖入瓶內急沖鼻中則醒



若誤用散血之劑則危矣

如暈厥急用生化湯挖開口將鷺翎探喉酒盞盛面灌之  
如灌下腹中漸溫煖不可拘帖數外用熱手在單衣  
心揉至腹常熱火煖之一二時服生化湯四帖卽神清始  
少緩藥進粥服至十帖而安犯此者宜速灌藥火煖

若勞倦甚而暈及血崩氣脫而暈並宜速灌二服如形色  
脫或汗多而脫皆急服一帖卽加人參三四錢一加肉桂  
四分決不可疑參爲補而緩服痰火乘虛泛上而暈方內



加橘紅四分虛甚加參二三錢肥人加姜汁竹瀝各少許  
總不可用破血劑血塊疼甚兼送益母丸或鹿角灰或元  
胡散獨勝散上消塊方一方卽效不須易方此從權救急  
之法

加參生化湯本方加人參三錢或五錢用棗一枚煎服  
如脉脫形脫將絕之症必服此方加參四五錢頻頻灌之  
若無汗不脫只服本方不必加參左尺脉脫亦加參此方  
產後危急諸症可通用一晝一夜必須三四劑若照常症

服豈能接將絕之氣血救危急之變症耶

產後二三日血塊疼雖未止產婦氣血虛脫或暈或厥或  
汗多或形脫口氣漸涼煩渴不止或氣喘急從權用加參  
生化湯以扶危急病勢稍退又當減參且服生化湯

加減法血塊疼加肉桂七分渴加麥冬一錢五味十粒

汗多加麻黃根一錢如血塊不疼加炙芪一錢以斂汗

傷飯麵食加神曲一錢炒麥芽五分炒傷肉食加山查

五箇砂仁四錢



上海中醫藥大學圖書館藏

三厥症

婦人產有用力過多勞倦傷脾故逆冷而厥氣上行脉滿形去矣非大補不可豈錢數當歸川芎所能回陽復神乎必用加參生化湯倍參進二劑則氣血旺而神自生厥自止矣若服藥而渴另有生脉散多參以代茶飲救臟之燥如四肢冷逆又泄痢類傷寒陰症又難用四逆湯必用倍參生化湯加附子一片可以回陽止逆又可行參歸之力矣立二方於後分先後服



新加坡大學圖書館版權所有

本草  
考  
五  
行  
以  
天  
君  
加  
參  
生  
化  
湯

倍參生化湯治產後發厥血塊疼未止不可加芪朮

當歸 四錢  
川芎 二錢  
炙草 五分  
黑姜 四分  
桃仁 十粒  
皮 十粒  
去

人參 二錢  
棗 一枚  
水煎進二服

滋榮益氣復神湯 治產後發厥塊疼已除可服此方

嫩黃芪 一錢  
蜜炙 人參 三錢  
當歸 三錢  
炙草 五分  
廣陳

皮 四分  
麥芽 八分  
五味 十粒  
川芎 一錢  
熟地 一錢  
白朮

一錢土炒  
水二中棗一枚煎八分溫服

手足冷加附子五分汗多加麻黃根一錢炒棗仁一錢妄



言妄見加益智柏仁元肉大便實加肉蓯蓉一錢或二錢  
大抵產後暈厥二症相類但暈在臨盆症急甚於厥宜頓  
服生化湯幾帖塊化血旺神清暈止若多氣促形脫等症  
必加參芪厥在分娩之後宜用倍參生化湯止厥以安神  
並補氣血非如上偏補氣血而可愈也要知暈有塊疼芪  
朮不可加厥無塊疼參朮地黃可並用也

#### 四血崩

產後血大來審血色之紅紫視血色之虛實如血紫有塊




傳世之方  
生止山明

仍當去其敗血但流作疼不可論崩如血鮮紅乃是驚傷  
心不能主血怒傷肝不能藏血勞傷脾不能統血當以崩  
治先服生化湯幾帖則行中自有補血安氣自生若形脫  
氣促汗多宜服倍參生化湯數帖以益氣有非棕灰之類  
所得而治者如半月後崩又宜升舉大補湯蓋此症虛極  
服藥平穩便佳不宜期速效須二十帖後諸症頓除

安血止崩湯

治產後血崩

當歸 四錢  
川芎 一錢  
黑姜 四分  
荆芥穗 五分  
烏梅煨灰



五分

蒲黃五分炒

一本有炙草五分

桃仁十粒去皮尖研

棗一枚水煎服忌姜椒生冷

如血竭形脫或汗多氣促急加參三四錢無汗形不脫氣不促只多服生化湯則血自安有言當歸但能活血不能

補血者誤

升舉大補湯

滋榮益氣如有塊動只服前方芩朮勿用

黃芪四分

白朮四分

陳皮四分

炙草四分

升麻四分

當

歸二錢

熟地三錢

麥冬一錢

川芎一錢

白芷四分

荆芥





穗四分黃連三分一本有人參一二錢

棗一枚水煎服如汗多加麻黃根一錢浮小麥撮

大便

不通加肉蓯蓉一錢禁用大黃

傷飯食肉食加詳前第二血暈症後如氣滯加磨木香分

痰加貝母六分竹瀝姜汁各半匙寒嗽加杏仁十粒桔梗

五分驚加柏仁棗仁各錢總不可用耗散無補藥其餘加

減法一如益氣復神湯年老患崩更宜服此

五短氣似喘

